



-----

Mila ta bederatzirehun  
Hogeita hamazazpigarren urtea,  
Oroitzapen batzu ez ezik  
Beste urte bat, ez besterrik.

hil ezinak dira hitzak  
Izan arren zaurituak  
Bere jaioterritik urrun  
Gogora ezak alberti moskun.  
Gernika errea, bonbaketatua  
Haritz zaharrak zutik dirau,  
Nahiz eta usteltzen egon  
Gaur, paktu faltsuen ikusle.  
Gernika, gure buruan!

Urte latza hura  
Txina-japoniarrak elkar joka  
Ingelesak palestinan sortu zuten  
Buka ezinezko guda,  
Gaur dakusat egunkarian  
Heriotz bonbak palestinarren gain.

detroiteko bonba beltza  
Ez zen u.s.a.-ko hegazkin bat  
Boxeo munduko garailea baizik.  
Galde ezaiok joe louis-i:  
Bonba batzuk dezaketen  
Sowetoko garraisia isilarazi.

Hogeita hamazazpi beste urte bat  
Larogeita zazpiaren antza, besterrik ez.  
Galduko dutela badakite  
Ikusi nahi ez izan arren.  
Gernika, gure buruan!